

Գ. Դ. ԽԱԽԱՆՅԱՆԻ ԶԻՆՎՈՐԱԿԱՆ ԳՈՐԾՈՒՆԵՈՒԹՅՈՒՆԸ ՔԱՂԱՔԱՑԻԱԿԱՆ
ՊԱՏԵՐԱԶՄԻ ՏԱՐԻՆԵՐԻՆ

Կարմիր բանակը հաղթանակով դուրս եկավ քաղաքացիական կռիվներից։ «Սա վիթխարի հաղթանակ է,— նշել է Վ. Բ. Լենինը,— որին առաջ մեղանից ոչ մեկը չէր հավատար»¹։

Պատմական այդպիսի հաղթանակն ապահովվեց առաջին հերթին սովետական զորամասերի համառ ու հերոսական պայքարի շնորհիվ։ Սովետական Ռուսաստանի բաղձազգ ժողովուրդների արժանավոր զավակները անձնուրաց կերպով կռիվեցին ներքին և արտաքին թշնամիների դեմ, մեկ անգամ ևս ապացուցելով իրենց անսահման նվիրվածությունը հարազատ հայրենիքին ու ժողովրդին։ Կարմիրբանակայինները, հրամանատարներն ու քաղաշխատողները դիմացան ամեն տեսակ զրկանքների ու դժվարությունների, անհավասար մարտեր մղեցին իմպերիալիստական տերությունների կողմից մատակարարվող Կոլշակի, Դենիկինի, Յուդենիչի, Վրանգելի, բուրժուա-կալվածատիրական լեհաստանի ու մյուս բանակների դեմ և կրժքով պաշտպանեցին Հոկտեմբերյան հեղափոխության մեծ նվաճումները։

Կարմիր բանակի շարքերում մյուս ազգերի հետ կողք-կողքի անձնուրաց կերպով էին պայքարում նաև հայ ժողովրդի զավակները, որոնք իրենց սխրագործություններով հերոսական շատ էջեր գրեցին քաղաքացիական կռիվների պատմության մեջ։ Նորաստեղծ կարմիր բանակի շարքերում աճեցին բաղձաթիվ հայ հրամանատարներ ու քաղաքական աշխատողներ, որոնք իրենց արժանի ներդրումն ունեցան Սովետական Ռուսաստանի և մյուս հանրապետությունների պաշտպանության գործում։

Նրանցից մեկն է Գրիգոր Դավթի Խախանյանը։

Այսօր էլ, Մոսկվայում՝ սովետական բանակի Կենտրոնական պետական արխիվում փակցված է պատվո տախտակ՝ «Ոսկյա զենքի կավալերներ» վերտառությամբ, որտեղ մյուս հերոսների թվում կարելի է տեսնել կարմիր բանակի ականավոր զորահրամանատար, քաղաքացիական կռիվների անվանի հերոս, հայ ժողովրդի պանծալի զավակ Գ. Դ. Խախանյանի դիմանկարը։

Գ. Դ. Խախանյանը ծնվել է 1895 թ., Գորիի շրջանի Ռուխի գյուղում։ Դեռ պատանի հասակում նա ներգրավվում է հեղափոխական շարժումների հորձանուտը, իսկ այնուհետև դառնում պրոֆեսիոնալ հեղափոխական։ 1915 թ. նա ընդունվում է Մոսկվայի համալսարանի բանասիրական ֆակուլտետը և հեղափոխական լայն աշխատանք է կատարում ուսանողության շրջանում։ Դ. Խախանյանը, որպես բոլշևիկ դեպուտատ մասնակցում է սովետների 2-րդ համառուսաստանյան համագումարի աշխատանքներին։

1918 թվականին, երբ մահացու վտանգ էր կախվել նորաստեղծ սովետա-

¹ Վ. Ի. Լենին, Երկեր, հ. 31, էջ 496։

կան պետության գլխին, Գ. Խախանյանը նոր կազմավորվող կարմիր բանակի առաջին շինարարներից մեկն էր:

1918—21 թթ. նա եղել է Պսկովյան հրաձգային դիվիզիայի ղեկում, Սվիյաթսկ քաղաքի սլաշտպանության պետ, 5-րդ բանակի օպերատիվ բաժնի պետի տեղակալ, բրիգադի հրամանատար և 27-րդ դիվիզիայի հրամանատարի տեղակալ:

1919 թ. ամռանը Դենիկինի դեմ պայքարին ղուգրնթաց, Վ. Ի. Լենինի ցուցումով, սովետական ղորամասերի հարձակումը շարունակվում էր նաև Արևելյան ռազմաճակատում: Նշելով Կոլչակին վերջնականապես ջախջախելու անհրաժեշտության մասին, Վ. Ի. Լենինը 1919 թ. մայիսի 29-ին գրում էր. «Եթե մենք մինչև ձմեռ չգրավենք Ուրալը, ապա ես հեղափոխության կործանումն անխուսափելի եմ համարում»²:

Շարունակելով հարձակումը Արևելյան ռազմաճակատում, սովետական ղորամասերն անցնում են Բելայա գետը և հունիսի 9-ին ազատագրում Ուֆա քաղաքը: 5-րդ և Թուրքեստանյան բանակները ջախջախում են ղենիսի խանժինի ընտիր ղորամասերը Ուֆայի շրջանում:

Այդ, ինչպես նաև Կոլչակի դեմ մղվող հետագա մարտերում, ակտիվ մասնակցություն ունեցավ նաև Գրիգոր Խախանյանի գլխավորած բրիգադը:

1919 թ. ամռանը Գ. Խախանյանը 5-րդ բանակի 27-րդ դիվիզիայի 3-րդ բրիգադի հրամանատարն էր: Նրա բրիգադը մտնում էր Կոլչակի դեմ գործող հատուկ հարվածող խմբի մեջ: Հակառակորդը ուժեղ պաշտպանություն էր ստեղծել Ուֆա գետի ափին: Գետանցի ժամանակ Գ. Խախանյանի բրիգադը իր վրա հրավիրեց հակառակորդի ուժերի ղգալի մասի ուշադրությունը և դրանով հնարավորություն ստեղծեց մյուս ղորամասերի հաջող անցման համար: «27-րդ դիվիզիայում, մարտի ամբողջ ծանրությունը գետանցի շրջանում, — պատմում է մարտի մասնակից Ն. Կրասնոպոլսկին իր հուշերում, — ընկավ 3-րդ բրիգադի վրա, որը հունիսի 27-ին Ուրալբախտի գյուղի մոտ անցավ Ուֆա գետը, որտեղ հակառակորդը կատաղի դիմադրություն էր ցույց տալիս»³. Անցնելով Ուֆա գետը, 3-րդ բրիգադը 2-րդ բրիգադի հետ մեկտեղ, մեկը մյուսի հետևից ազատագրում էր նորանոր տերիտորիաներ: 1919 թ. հունիսի 28-ին 5-րդ բանակի շտաբի ղեկուգագրերից մեկում ասված է. «2-րդ և 3-րդ բրիգադների ղորամասերը հաջողությամբ անցան Ուֆա գետը և առաջ են շարժվում, ոչնչացնելով հակառակորդի առաջատար ուժերը»⁴:

Հունիսի վերջերին Կաիրովո գյուղի մոտ տեղի ունեցած ահեղ ճակատամարտում 3-րդ բրիգադի մարտիկները 8 ժամյա արյունալի մարտ էին մղում Կոլչակյան ղորամասերի դեմ: Բրիգադի 241-րդ և 243-րդ գնդերը մի քանի անգամ անցան հակագրոհի և հաղթահարելով հակառակորդի կողմից վաղորոք կառուցված ամրությունները, ջախջախեցին նրան և ձեռք բերեցին մեծ քանակությամբ ռազմավար⁵: 27-րդ դիվիզիայի հրամանատարի հունիսի 30-ին

2 Վ. Ի. Լենին, Ռազմական գրագրություն (1917—20), Մայպետհրատ, Երևան, 1944, էջ 88:

3 II. Краснопольский, В боях за освобождение Челябинска, газетно-журнальное изд-во, «Челябинский рабочий», Челябинск, 1959 г., стр. 11.

4 ՄԲԳԱ, ֆ. 1324, ց. 2, գ. 169, թ. 3:

5 Տե՛ս ՄԲԳԱ, ֆ. 1324, ց. 2, գ. 169, թ. 1:

տված զեկուցագրում ասվում էր. «3-րդ բրիգադի տեղամասում հակառակորդը շարունակում է նահանջել դեպի արևելք»⁶:

Թշնամին ուժեղ դիմադրություն ցույց տվեց, հատկապես, Տաստուբա գյուղի մոտ, որտեղ նա մեծ ուժեր էր կենտրոնացրել: 27-րդ դիվիզիայի 2-րդ և 3-րդ բրիգադների դեմ թշնամին կենտրոնացրել էր իր ուրալյան 7-րդ ընտիր դիվիզիան⁷: Սակայն Գ. Խախանյանի բրիգադի և մյուս զորամասերի շեշտակի հարվածներից հակառակորդի գնդերը վերջնականապես կորցնում են իրենց մարտունակությունը: Գերի ընկած սպաները վկայում են, որ զինվորներն ու հրամանատարները տրամադրված են Կուլչակի դեմ⁸:

Գ. Խախանյանի բրիգադը աղասուագրում է նաև Սագիրովո, Լեուզի, Կիսեիկ գյուղերի շրջանը⁹: 27-րդ դիվիզիայի մասին հուլիսի 6-ին տրված զեկուցագրում նշված է. «...2-րդ և 3-րդ բրիգադների տեղամասում մարտ է գնում, որը հատկապես համառ է Լեուզի գյուղի շրջանում, ուր հակառակորդը մարտի մեջ է մտցրել խոշոր, թարմ ուժեր»¹⁰:

Երրորդ բրիգադի և սովետական մյուս զորամասերի հարվածներից թշնամին ջախջախվեց և խուճապահար նահանջեց դեպի Զլատոուստ: Վերջինս ուներ ռազմա-ստրատեգիական հարմար դիրք և հայտնի էր իր ռազմական գործարաններով: Այդ քաղաքի գրավումը կբացեր Սիբիրի անծայրածիր հարթավայրերը տանող կարևոր ելքերը: Մի խոսքով ով տիրեր Զլատոուստին, նա էլ կտիրեր ամբողջ Ուրալին: Ահա թե ինչու Կուլչակը որոշել էր հնարավոր բոլոր միջոցներով իր ձեռքում պահել քաղաքը, որի շուրջը մեծ քանակությամբ զորամասեր էր կենտրոնացրել:

Լավ նախապատրաստությունից հետո 5-րդ բանակի զորամասերը հուլիսի 11-ին անցնում են ընդհանուր հարձակման: 3-րդ բրիգադի հրամանատար Գ. Խախանյանին հրամայված էր անցնել հարձակման, վճռական հարվածով ջախջախել հակառակորդին և նրա թիկունքի կողմից մտնել Զլատոուստ: 3-րդ բրիգադի հարձակման ուղղությամբ թշնամին ուներ երկու շարք ամուր դիրքեր¹¹:

Գ. Խախանյանի բրիգադի մարտիկները հուլիսի 12-ի գիշերը, դաժան մարտից հետո, գրավում են Կուսինսկի գործարանը և արագ երթով շարժվում դեպի Զլատոուստ: 27-րդ դիվիզիայի հրամանատար Պավլովի հուլիսի 13-ի զեկուցագրում ասված է. «3-րդ բրիգադի զորամասերը քաղաքին են մոտենում արևմուտքից և հակառակորդին արդեն դուրս են շարտել Մեդվեդևկա գյուղի շրջանում»¹²: Նույն օրն էլ՝ հուլիսի 13-ին գրավվեց Զլատոուստը: Վերջինիս համար մղված մարտերում ցուցաբերած անօրինակ սխրանքների համար 3-րդ բրիգադի 241-րդ և 243-րդ գնդերը հանրապետության ռազմա-հեղափոխական խորհրդի 1919 թ. օգոստոսի 26-ի հրամանով պարգևատրվեցին պատվավոր Կարմիր դրոշով:

⁶ Նույն տեղում, թ. 10:

⁷ Նույն տեղում, թ. 14:

⁸ Նույն տեղում, թ. 13:

⁹ Նույն տեղում, թ. 16:

¹⁰ Նույն տեղում, թ. 42:

¹¹ ՍՐԿՊԱ, ֆ. 1324, ց. 2, գ. 169, թ. 66:

¹² Նույն տեղում, թ. 100:

Զլատոուստի գրավումով ձանապարհ բացվեց դեպի Չելյաբինսկ, որտեղ հակառակորդը հյուսիս-արևմտյան ուղղությամբ կենտրոնացրել էր վեց հազարանոց հատուկ հարվածող խումբ, իսկ դեպի հարավ՝ տեղավորել զենքերալի Կապելի 10 հազարանոց բանակը¹³։

1919 թ. հուլիսի 22-ին 5-րդ բանակի ղորամասերը Չելյաբինսկն ազատագրելու հրաման ստացան։

Անցնելով վճռական հարձակման, սովետական ղորամասերը հուլիսի 24-ի առավոտյան ժամը 6-ին գրավեցին Չելյաբինսկը¹⁴։ Վերջինիս համար մղված մարտերում արտակարգ հերոսություն ցուցաբերեց 3-րդ բրիգադը և նոր ուժով փայլեցին նրա պանծալի հրամանատար Գրիգոր Խախանյանի ռազմական տաղանդն ու ընդունակությունները։ Այդ մարտերի ակտիվ մասնակիցներից մեկի հուշերում կարդում ենք հետևյալը. «Ապիտակներին Չելյաբինսկի մոտ առաջին հարվածը հասցրին 3-րդ բրիգադի զնդերը... Բրիգադի հրամանատարն էր նախկին բանասեր ուսանող, գյուղական դպրոցի ուսուցչի որդի, հին բանակի նախկին կրտսեր սպա, հայ Գ. Դ. Խախանյանը. խոշոր ղորահրամանատարի և ռազմական թեորետիկի հատկություններով մի մարդ, խելացի հրամանատար, որը քաղաքացիական պատերազմի տարիներին երեք անգամ պարգևատրվել է Կարմիր դրոշի շքանշանով։ Այդ ժամանակ ամբողջ կարմիր բանակում կար միայն 31 այդպիսի մարդ»¹⁵։

Չելյաբինսկի գրավումը պատմական խոշոր նշանակություն ունեցավ։ Կոլչակյան ղորամասերի պարտությունը սպիտակգվարդիական հրամանատարության ստրատեգիական պլանի կրախն էր։ Չելյաբինսկի գրավումով ժամկետից շուտ կատարվեց Վ. Ի. Լենինի ցուցումը՝ Ուրալի լրիվ ազատագրումը սպիտակներից։ Ջախջախված թշնամին նահանջեց դեպի Տոբոլ գետը, որի անցման ժամանակ, նույնպես, Գ. Խախանյանը դրսևորեց փորձված ռազմագետի ձիրքերը։ Նրա բրիգադի խնդիրն էր հետախուզություն կատարել գետի երկայնքով և պարզել այն անցնելու պայմանները։ Գ. Խախանյանի անմիջական գլխավորությամբ բրիգադի մարտիկները մեծ ռիսկի դիմելով, ուշի-ուշով ուսումնասիրեցին թշնամու դիրքերի դասավորությունը և պարզեցին անցման հարմար տեղերը։ Մարտական առաջադրանքներից մեկի կատարման ժամանակ Գ. Խախանյանի ղորամասերը հանդիպում են հակառակորդի զերակշիռ ուժերի։ Տոբոլի արևելյան ափին տեղի է ունենում ուժեղ մարտ, որտեղ թշնամին ջախջախվում և անկաղմակերպ փախուստի է դիմում, հաղիվ հասցնելով փրկել հրետանին¹⁶։

Ձեռնարկված մի շարք միջոցառումները, թշնամու դասավորության մանրակրկիտ ուսումնասիրությունը և մինչև հոկտեմբերի 13-ը նրան հասցրած մի շարք հարվածները ռեալ հնարավորություններ ստեղծեցին սովետական ղորամասերի հակահարձակման և կոլչակյան ղորքերի վերջնական ջախջախման համար։

13 «Краткая история гражданской войны», государственное изд-во политической литературы, М., 1960 г., стр. 224.

14 ՄԲԿՊԱ, ֆ. 1324, ց. 2, դ. 179, թ. 103.

15 Լ. Կրասնոպոլսկի, В боях за освобождение Челябинска, газетно-журнальное изд-во, «Челябинский рабочий», Челябинск, 1959 г., стр. 8—9.

16 ՄԲԿՊԱ, ֆ. 1324, ց. 2, դ. 174, թ. 101.

Շուտով 5-րդ բանակի զորամասերը Տոբոլն անցնելու հրաման ստացան: 27-րդ դիվիզիայի հրամանատարի № 0132 հրամանով մարտական առաջադրանք ստացավ նաև 1-ին բրիգադը (Գ. Խախանյանն այդ ժամանակ 1-ին բրիգադի հրամանատարն էր — Ժ. Գ.)¹⁷:

Հակառակորդը խիտ շարքերով հարձակման է անցնում Խախանյանի բրիգադի 236-րդ գնդի վրա և մարտի սկզբին խիստ նեղում նրան: Սակայն գունդն անցնելով վճռական գրոհի, ցրում է հակառակորդի ուժերը և փախուստի մատնում նրան: Մյուս կողմից 1-ին բրիգադի 237-րդ գունդը Զյուզին գյուղի շրջանում ետ է մղում թշնամու 15-րդ և 16-րդ գնդերի բոլոր գրոհները:

Հոկտեմբերի կեսերին սովետական զորամասերը հաջող կերպով գետանցեցին Տոբոլը և ուղղություն վերցրին դեպի Օմսկ: Հյուսիսից հարձակվում էր Խախանյանի բրիգադը: Վերջինիս խնդիրն էր ապահովել 5-րդ բանակի ձախ թևը և ամուր կապ պահպանել 3-րդ բանակի աջ թևի զորամասերի հետ:

Մինչև Իրտիշ գետին հասնելը Դ. Խախանյանի բրիգադը մի շարք հարվածներ հասցրեց Օմսկի երկաթուղով նահանջող հակառակորդի թևերին ու թիկունքին, դրանով իսկ հեշտացնելով գետանցը և Օմսկ քաղաքի գրավումը: Հաշվի չառնելով հակառակորդի թվական գերազանցությունը, Խախանյանի բրիգադը արագ երթով անցավ Իրտիշը և թշնամու զորամասերին հարվածի տակ դրեց թիկունքից: Այդ մանևրի շնորհիվ Կոլչակյան զորամասերը հարվածի տակ ընկան ինչպես ճակատից, այնպես էլ թիկունքից և ստիպված եղան նահանջել անհարմար ճանապարհներով: Խուճապի մատնված հակառակորդը ջախջախվեց ու ետ շարժվեց: Նոյեմբերի 14-ին գրավվեց Օմսկը՝ Կոլչակի «մայրաքաղաքը»:

Հանրապետության ռազմա-հեղափոխական խորհրդի 1920 թ. հունվարի 28-ի № 32 հրամանում ասվում էր, որ Գրիգոր Դավթի Խախանյանը Կարմիր դրոշի շքանշանով պարգևատրվում է այն բանի համար, որ նա «...Օմսկի հետ կապված ռազմական գործողությունների ժամանակաշրջանում տեղի ունեցած մարտերում, հմուտ ու վճռական կերպով ղեկավարեց իրեն վստահված զորամասերը, որի վերջնական արդյունքը եղավ՝ Օմսկ քաղաքի շրջանցումը հյուսիսից և քաղաքի վրա անմիջականորեն հարձակվող 27-րդ հրաձգային դիվիզիայի հարվածային բրիգադի հաջողության ապահովումը: Քաղաքի օղակումը և զորամասերի դուրս գալը նրա արևելյան շրջան՝ այն պաշտպանող հակառակորդի խմբավորման համար ստեղծեցին միանգամայն մեկուսանալու վտանգ, որը նրան հարկադրեց տենդային նահանջ կատարել: Մարտի ժամանակ հակառակորդից վերցվեցին մոտ երկու հազար գերի, գնդաճիւղներ, հրացաններ, գումակներ և շատ այլ ռազմական գույք»:

Օմսկի գրավումից հետո, Գ. Խախանյանի գլխավորած զորամասերն ակտիվ մասնակցություն ունեցան Տատարսկայա, Բարաբինսկ, Կարգատ կայարանների և Կախնսկ ու Նովոնիկոլաևսկ քաղաքների ազատադրմանը: Սովետական փառապանծ զորքերը 1920 թ. հունվարի 6-ին, Կրասնոյարսկի մոտ ջախջախեցին Կոլչակի զորամասերի վերջին մնացորդներին: 1920 թ. հունվարին սովետական իշխանություն հաստատվեց նաև Իրկուտսկում, որտեղի ռազմա-հեղափոխական կոմիտեի դատավճռով փետրվարի 7-ին Կոլչակը գնդակահարվեց:

¹⁷ Տե՛ս նույն տեղում, թ. 47:

Կոլչակին ջախջախելուց հետո Գ. Խախանյանի բրիգադը, մյուս զորամասերի հետ կողք-կողքի, մեծ աշխատանք կատարեց քաղաքացիական կռիվների հետևանքով երկրի քայքայված տնտեսության վերականգնման գործում:

1920 թ. ապրիլի 6-ին 79-րդ բրիգադին տված հրամանում Գ. Խախանյանը գրում էր. «Կարմիր բանակը պետության մեջ տնտեսական քայքայման դեմ մղվող պայքարին իր մասնակցությամբ ոչ թե խոսքով, այլ գործով պետք է օրինակ ցույց տա, ապացուցի, որ իսկապես մտադիր է պաշտպանելու սովետական իշխանության միջոցառումները, պետությունը դուրս բերելու ծանր վիճակից, քայքայումից և աղքատությունից»¹⁸:

Սակայն լեհերի դեմ մղվող պայքարը նոր համալրումներ էր պահանջում: 1920 թ. հուլիսի 4-ին Մ. Ն. Տուխաչևսկու հրամանատարությամբ Արևմտյան ռազմաճակատի զորքերը ընդհանուր հարձակում էին սկսել: Եվ ահա 27-րդ դիվիզիայի հրամանատարի հուլիսի 10-ի հրամանը ազդարարեց 79-րդ բրիգադի (որի հրամանատարն էր Դրիգոր Խախանյանը) մուտքը Արևմտյան ռազմաճակատ: «79-րդ բրիգադի պանծալի հրամանատարին,— ասվում էր այդ հրամանում,— ...Անհապաղ երթի ելնել, բրիգադը փոխադրել այժմ զբաղեցրած շրջաններից և շարունակել շարժվել դեպի Մինսկ տանող խճուղով, նպատակ ունենալով միանալ դիվիզիային՝ Բերեզինա գետն անցնելու համար»¹⁹:

27-րդ դիվիզիայի զորամասերը, այդ թվում և Խախանյանի բրիգադը, կոտրելով հակառակորդի համառ դիմադրությունը, գետանցեցին Բերեզինան և ուղղություն վերցրին դեպի Մինսկ:

Թշնամին նահանջեց և ամրացավ դեռ 1-ին համաշխարհային պատերազմի ժամանակ գերմանական զորքերի կողմից կառուցված դիրքերում, որոնց հետ մեծ հույսեր էր կապում լեհական հրամանատարությունը:

Սակայն ոչ գերմանական ամրացված դիրքերը և ոչ էլ հակառակորդի ցույց տված կատաղի դիմադրությունը, չկարողացան կանգնեցնել արևմտյան ռազմաճակատի սովետական զորամասերի սրընթաց առաջխաղացումը, որի հետևվանքով էլ ազատագրվեց Մինսկը: Հուլիսի 14-ին 79-րդ բրիգադին տված հրամանում Գ. Խախանյանը գրում էր. «Մեր փառապանծ 27-րդ դիվիզիայի զորամասերը գրավեցին Մինսկ քաղաքը: Ինձ վստահված բրիգադի խնդիրն է արագորեն կենտրոնանալ Մինսկ քաղաքի շրջանում»²⁰:

Արևմտյան ռազմաճակատի զորքերը գրավելով մի շարք տերիտորիաներ, հասան մինչև Բուգ դեռը, որտեղ թշնամին մեծ ամրություններ էր կառուցել և խոշոր ուժեր էր կենտրոնացրել: Բուգն անցնելու հրաման ստացավ նաև 79-րդ բրիգադը:

Բուգի արևմտյան ափին հակառակորդն ուներ երկու ամրացված պաշտպանության գիծ: Բոլոր գետանցների ուղղությամբ գնդացիներ էին դրվել: Լեհական բանակը նորանոր համալրումներ էր ստանում:

Բուգի բնագիծը պանական Լեհաստանի վերջին հույսն էր: Մեկը մյուսի ետևից այդտեղ էին փոխադրվում թարմ ուժեր: Լեհական հրամանատարությունն ամեն ինչ անում էր Վարշավան իր ձեռքում պահելու համար: Հիմնականում

18 ՍՐԿՊԱ, ֆ. 1325, ց. 1, գ. 136, թ. 2:

19 ՍՐԿՊԱ, ֆ. 1324, ց. 2, գ. 236, թ. 3:

20 Նույն տեղում, ֆ. 1325, գ. 139, թ. 9:

դրանով են բացատրվում այն մեծ կորուստները, որ տվեցին սովետական ղուրամասերը գետանցի ժամանակ:

Խախանյանի բրիգադին հրամայված էր՝ ինչ գնով էլ լինի անցնել Բուդու Ուստի, լուրջ նախապատրաստությունից հետո, 79-րդ բրիգադի ղորամասերը Գ. Խախանյանի հրամանատարությամբ, շնայելով հրետանային ուժեղ գնդակոծությանը, օգոստոսի 4-ին անցնում են վճռական հարձակման և համառ մարտերից հետո գետանցում Բուդու ու հակառակորդին ետ չպրտում դեպի արևմուտք:

Շարունակելով հարձակումը, Խախանյանի բրիգադի ղորամասերը օգոստոսի 6-ին կատաղի մարտեր էին մղում հակառակորդի գերազանց ուժերի դեմ Սոկոլով քաղաքի համար: Ուժեղ պայքար էր ծավալվել քաղաքի արևելյան և հյուսիս-արևելյան ուղղություններով: Խախանյանի ղորամասերին թևերից շրջանցելու հակառակորդի բոլոր փորձերը անհաջողության մատնվեցին²¹, Օգոստոսի 7-ին քաղաքի արևելյան մասում տեղի ունեցած 12 ժամյա կատաղի սևի-նամարտից հետո 79-րդ բրիգադի ղորամասերը մտնում են քաղաք: Վերջինիս փողոցներում երկու ժամյա համառ մարտեր են տեղի ունենում, որոնք նույնպես ավարտվում են հակառակորդի պարտությամբ: 27-րդ դիվիզիայի շտաբի օգոստոսի 7-ի զեկուցագրում ասվում էր. «ըստ լրացուցիչ ստացված զեկույցի, Սոկոլով քաղաքը գրավվել է երկու ժամյա կատաղի մարտից հետո: Փողոցային մարտերի ժամանակ բնակիչները տանիքներից ու շենքերի պատուհաններից կրակել են մեր զորքերի վրա: Քաղաքը ետ գրավելու նպատակով հակառակորդի սկսած սրընթաց հարձակումը շարունակվել է մինչև ուշ գիշեր»²²:

Այսպիսով, քաղաքը ետ գրավելու թշնամու բոլոր փորձերն ապարդյուն են անցնում: Հակառակորդը ուժեղ հրետանու, զրահագնացքի և հեծելազորի պաշտպանությամբ դանդաղ նահանջում է դեպի արևմուտք:

27-րդ դիվիզիայի ղորամասերին տված հրամանում ասվում էր. «Արևելքի մեր վետերանները՝ Բայսարովի, Զլատոուստի, Զելյարինսկի, Օմսկի, Նովո-Նիկոլաևսկի և Տայգայի հերոսները մարտնչեցին պատմության մեջ հազվագյուտ խիզախությամբ, հաղթահարեցին հակառակորդի համառությունը և գերմարդկային լարվածության գնով ուղի են հարթում լեհական շլուխտայի դեմ մեր պայքարի վերջնական նպատակին հասնելու համար: Բոլոր պատասխանատու աշխատողները պետք է հիշեն, որ Բուդի բնագծում է որոշվում լեհաստանի դեմ կամպանիայի ելքը...»²³ 79-րդ բրիգադի ղորամասերը գրավեցին նաև Մեդզեա և Վենգրով շրջանները, իսկ այնուհետև գետանցեցին Լիվեցը:

Օգոստոսի կեսերին Արևմտյան ռազմաճակատի ղորամասերը մոտեցան Վարշավային, իսկ Հարավ-արևմտյան ռազմաճակատի զորքերը՝ Լվովին: Կարմիր բանակի տարած հաղթանակները ծանր կացության մեջ դրեցին լեհական բանակին: Հեղափոխական շարժումներ էին սկսվել լեհաստանում: Կապիտալիստական երկրներում լայն ծավալ էր ընդունել «Ձեռքներդ հեռու սովետական Ռուսաստանից» շարժումը:

Լեհական կառավարությունը խտրություն չէր դնում միջոցների մեջ՝ ղորապարտելու սովետական Ռուսաստանին և նրա վարած արտաքին քաղաքական-

21 ՍՔԿԱ, ֆ. 1324, ց. 2, գ. 303, թ. 12.

22 ՍՔԿԱ, ֆ. 1324, ց. 2, գ. 303, թ. 19.

23 Նույն տեղում, գ. 236, թ. 77.

նությունը: Այդ ճանապարհով նրան հաջողվում է գյուղացիության ավելի հետամնաց մասին դրդել կարմիր բանակի դեմ: Լեհական բանակին հրամայված էր՝ կռվել մինչև վերջին կաթիլ արյունը: Անտանտի իմպերիալիստները մեծ քանակությամբ զենք ու զինամթերք ուղարկեցին լեհական բանակին: Վերջինս չափազանց մոտ գտնվելով իր թիկունքին, նոր համալրումներ էր ստանում:

Մինչդեռ սովետական զորամասերը մի քանի հարյուր կիլոմետրով հեռացել էին իրենց թիկունքից և դրեթև լիովին զրկվել համալրումներ ու զինամթերք ստանալու հնարավորությունից: Եվ ահա այդպիսի պայմաններում սովետական զորամասերը պետք է վերջին վճռական ճակատամարտը տային հակառակորդի լավ զինված ու հանդերձավորված մեծաթիվ զորքերի դեմ՝ Վարշավայի տակ:

Օգտագործելով վերոհիշյալ առավելությունները, օգոստոսի կեսերին հակառակորդն անցնում է հակահարձակման՝ Արևմտյան ամբողջ ռազմաճակատով: Սովետական զորամասերն ստիպված էին մարտերով նահանջել: Հակառակորդն աշխատում էր որքան կարելի է ավելի շատ խորանալ սովետական զորամասերի թիկունքը և շրջապատել նրանց: Մեծ դժվարություններ էին ըստեղծվել նաև 27-րդ դիվիզիայի համար: Վերջինիս հրամանատարը ուշացումով տվեց նահանջի հրամանը, երբ լեհերն արդեն անցել էին նրանց թիկունքը և դիվիզիայի զորամասերը հարկադրված էին հակառակորդի դեմ մարտեր մղել իրենց նահանջի ճանապարհին²⁴:

Թշնամուն հաջողվում է սովետական զորամասերի թիկունքում գրավել Բելոստոկ քաղաքը և կտրել նրանց նահանջի միակ ճանապարհը: Մնում էր անձնվել կամ ձեղքել հակառակորդի ամուր շղթան Բելոստոկում: Պաշարված զորամասերի հրամանատարությունը նախընտրեց վերջին ճանապարհը:

Կատաղի մարտեր տեղի ունեցան Բելոստոկի համար: Հակառակորդը համառ դիմադրություն էր ցույց տալիս: Աննկարագրելի հերոսությամբ էին կռվում 27-րդ դիվիզիայի զորամասերը: Վերջիններիս համառ ու երկարատև ջանքերի շնորհիվ հակառակորդը ջախջախվում ու ետ է շարտվում Բելոստոկից: Ծանապարհն ազատվում է:

Բելոստոկի գրավման համար մղված մարտերում ցուցաբերած անձնական հերոսության և հմուտ ղեկավարության համար Գ. Խախանյանը հանրապետության Ռազմա-հեղափոխական խորհրդի 1921 թ. հունվարի 5-ի № 4 հրամանով երկրորդ անգամ պարգևատրվեց Կարմիր դրոշի շքանշանով: Այդ հրամանում ասվում էր. «Շարունակելով պայքարի փառասլանձ գործը սոցիալիստական հայրենիքի թշնամիների դեմ, 79-րդ բրիգադի զորամասերը մի շարք փայլուն հաղթանակներ տարան արևելյան ռազմաճակատում: Հետագայում՝ արևմրտյան ռազմաճակատում մարտական գործողությունների կարճատև ժամանակամիջոցում վճռական ու անվահեր լոկեր Խախանյանի ղեկավարած բրիգադը խոշոր հաջողություններ ձեռք բերեց Սոկոլովի, Վենդրովի և Օսովի գրավման ժամանակ: Վերոհիշյալ բրիգադի հրամանատարը՝ այդ աննկուն հոգու տեր և անձնական արժանիքներով օժտված մարտիկը օգոստոսի 20-ից ներառյալ մինչև 23-ը միշտ գտնվելով վտանգավոր ռազմական տեղամասերում, այսինքն այն ժամանակաշրջանում, երբ մեր զորամասերը ետ էին բաշվում Բուդ գետից»:

²⁴ П. Ф е о д о р о в, Под красной звездой, государственное изд-во, 1928 г., стр. 102

կարողացավ իր բրիգադի մարտիկների մեջ պահպանել կայունությունը մինչև ռազմական գործողությունների վերջը և շահել ճակատամարտը Բելոստոկի տակ: 79-րդ բրիգադը ապահովելով 3-րդ և 16-րդ բանակների նահանջը՝ արևմուտքից նեղող թշնամուց, ինքն էլ քաղաքի մոտակայքում դանդաղեց վերոհիշյալ բանակների դորամասերի ու զուսակների պատճառով: Այդ ժամանակամիջոցում թշնամին գրավեց Բելոստոկ քաղաքը և այդպիսով կտրեց մեր զորամասերի միակ ճանապարհը: Ուրիշ դորամասերի փորձերը՝ ձեռքի անցնել քաղաքի միջով, հաջողություն չունեցան: Եվ ահա այդ ծանր պահին բրիգադի հրամանատար խախանյանը սեփական նախաձեռնությամբ շրջանցեց հակառակորդին՝ հարվածելով նրան հյուսիս-արևմուտքից: Սրբնթաց գրոհով բրիգադը Բելոստոկի մատուցներում ջախջախեց դիմադրող հակառակորդին և սփնամարտի բռնվեց քաղաքի փողոցներում, ուր տեղական բնակչության մի մասը աջակցություն էր ցույց տալիս հակառակորդին, բերդի վերածելով յուրաքանչյուր տուն: Բրիգադին հմուտ կերպով ղեկավարելը, անձնական քաջությունը, հոգու կայունությունը և հնարամտությունը, որ ցուցաբերեց կարմիր հերոս ընկ. խախանյանը, հնարավորություն տվեցին մեր պաշարված զորամասերին ու զուսակներին ազատորեն դուրս գալ օդակիցս:

Այնուհետև, խախանյանի բրիգադին մարտական դժվարին առաջադրանք է տրվում՝ պաշտպանել բոլոր զորամասերի ու զուսակների նահանջը Բելոստոկի վրայով:

Այսպիսով, շրջապատված սովետական զորամասերին ջախջախելու հակառակորդի պլանները փլուզվում են: Սակայն թշնամուն հաջողվում է սովետական զորամասերի նահանջի ճանապարհին գրավել նաև Վոլկովիսկ քաղաքը: Այդ մարտում կոչվում էր հակառակորդի Պոդնանյան վեց հազարանոց դիվիզիան, որն ուներ 248 զնդացի, 24 թևի և 43 ծանր թնդանոթներ²⁵:

Սեպտեմբերի սկզբին 27-րդ դիվիզիայի շտաբում որոշում է կայացվում գրավել Վոլկովիսկ քաղաքը և ջախջախել հակառակորդի կենդանի ուժը:

Այս խնդրի կատարման առյուծի բաժինը դարձյալ վիճակվում է խախանյանի բրիգադին: Պետրել հակառակորդի նահանջի ճանապարհները՝ հարվածելով նրան հյուսիս-արևմուտքից, այսպիսի հրաման ստացավ բրիգադի հրամանատար ընկ. խախանյանը: Բր հանդգնությամբ խելահեղ, բայց ճիշտ հաշված պլան էր²⁶, — գրում է Պ. Ֆյոդորովը: Վերահիշյալ խնդրին համապատասխան բրիգադը հարձակման հրաման է ստանում Ե. խախանյանից: Վոլկովիսկի համար ահեղ ճակատամարտ է տեղի ունենում: Համառորեն էին կոչվում թև՝ մեկ և թև՝ մյուս կողմը: Երկար ժամանակ մարտի ելքը չէր պարզվում: Եվ ահա ամենամոլճական պահին Գ. խախանյանն իր բրիգադով շրջանցում է պոզնանցիներին՝ հյուսիս-արևմուտքից: Մինչև լեհերը զլխի են ընկնում, խախանյանի զորամասերն արդեն մարտեր էին մղում քաղաքի արվարձաններում: Շփոթված թշնամին 79-րդ բրիգադի ղեմ նոր զորքեր է ուղարկում, սակայն նրանք նույնպես ջախջախվում ու ետ են շարտվում: Պողակի մեջ առնված պոզնանցիներն իրար ոտնակոխ տալով, զենքերը ղեն նետելով, միակ ազատ ճանապարհով փախչում են դեպի Գայնովկա²⁷:

²⁵ П. Федоров. Под красной звездой, государственное изд-во, 1928 г., стр. 103

²⁶ Там же.

²⁷ Там же.

Հեհերի տաղաթաղացումը դեպի արեւելք շուտով կանգնեցվում է: Սեպտեմբեր-հոկտեմբեր ամիսներին սովետական զորամասերը մի շարք հարվածներ են հասցնում հակառակորդին և լեհական կառավարությանն ստիպում՝ հաշտություն խնդրելու «Պանծալի կարմիր զնդերի հրամանատարներ, կոմիսարներ և կարմիրբանակայիններ,— դրում էր Խախտանքը հրամաններից մեկում,— Ձեր խիզախությունից և հաստատակամությունից է կախված լեհաստանի հետ հաշտություն կնքելու հնարավորությունը: Կադանի, Բայսարովի, Զլատոուստի, Օմսկի, Տայգայի, Բուգի և Վոլկովիսկի հերոսներ: Ձեր հարվածներին շղիմացան թշնամու ընտիր զորամասերը: Ուժեղացրեք այդ հարվածները, այդ է պահանջում հեղափոխությունը»²⁸:

1920 թ. օգոստոս-սեպտեմբեր ամիսներին մղած մարտերում ևս Գ. Խախտանքը դրսևորեց տաղանդավոր հրամանատարի ընդունակություններ, ցուցաբերեց անձնական մեծ քաջություն, որի համար ՀՌՀԽ-ի 1921 թ. դեկտեմբերի 31-ի № 535 հրամանով նա Յ-րդ անգամ պարգևատրվեց Կարմիր դրոշի շքանշանով: Այդ հրամանում ասված էր. «79-րդ բրիգադի նախկին հրամանատար ընկ. Գրիգոր Դավթի Տեր-Խախտանքը երրորդ անգամ Կարմիր դրոշի շքանշանով պարգևատրվում է այն բանի համար, որ 1920 թվականի օգոստոսին և սեպտեմբերին Վարշավայի տակ տեղի ունեցած մարտերի ժամանակ ղեկավարելով բրիգադի զորամասերը, դրսևորել է ռազմական խիզախություն, արիություն և քաջություն: Լնդսմին, անձամբ մասնակցելով չպարզված իրադրության մեջ և խիստ ծանր պայմաններում տեղի ունեցած մարտական գործողություններին, բրիգադի հետ միասին ճեղքել է թշնամու շրջապատման օղակը, բրիգադը դուրս բերելով կանոնավոր վիճակում»:

1921 թվականի գարնանը 79-րդ բրիգադը ակտիվ մասնակցություն ունեցավ Կրոնշտադտի խռովության ճնշմանը: Վերլուծելով Կրոնշտադտի իրադարձությունները և դրանց հետ կապված՝ երկրում տիրող իրադրությունը, Վ. Ի. Լենինը նշել է, որ «Այդ մանրրործության հակահեղափոխությունն անկասկած ավելի վտանգավոր է, քան Դենիկինը, Տուգենիչը և Կոլչակը միասին վերցրած»²⁹: Ֆեդկոյի և Դիրենկոյի զորամասերի հետ կողք-կողքի հերոսաբար էին կռվում նաև Խախտանքի բրիգադի մարտիկները: Կ. Ն. Վորոշիլովի վկայությամբ «Հսկայական դժվարություններ էին ծառացած Կրոնշտադտը դրոշող հերոսների առջև: Գրոհել Կրոնշտադտը՝ նշանակում էր տեղատարափ կրակի տակ ընթանալ գարնանային բարակ սառույցի վրայով: Գրոհել Կրոնշտադտը՝ նշանակում էր ճեղքել բետոնապատ ամրությունների ուժեղ շղթան... Բայց ոչ սառցաշուրր, ոչ խռովարարների սպանիչ կրակը չկանգնեցրին կարմիր հերոսներին»³⁰:

Գրոհը Կրոնշտադտի ամրությունների վրա սկսվում է 1921 թվականի մարտի 17-ին: Դիրենկոյի հավաքական դիվիզիայի ձախ թևում շարժվում էին 79-րդ բրիգադի զորամասերը, որոնք պետք է նախնական գրոհով գրավեին հարավային մասում գտնվող մի շարք ամրություններ, իսկ այնուհետև միայն հարված հասցնեին ամրոցին³¹: «Առանց Կրոնշտադտը գրավելու մայր ցամաք վե-

28 ՍՐԿՊԱ, ֆ. 1325, ց. 1, դ. 142, թ. 11:

29 «Нева», 1966 г., № 4, стр. 108.

30 «Наши земляки—герои гражданской войны», Кишинев, 1964 г., стр. 50.

31 «Военно-исторический журнал», 1961 г., № 3, стр. 31.

րադառնալու մասին մոռանալը»³², — դրում էր Գ. Խախանյանը հրամաններից մեկում:

Կոտրելով թշնամու դիմադրությունը սովետական զորամասերը գրավում են Կրոնշտադտը: Քաղաքի փողոցներում կատաղի մարտեր են տեղի ունենում, որտեղ մյուս զորամասերի թվում հերոսաբար էին կռվում նաև Խախանյանի մարտիկները: Կռվի ամենաթեթ տեղամասում կարելի էր նկատել կարմիր հրամանատար Դ. Խախանյանին:

Այդ մարտերում ցուցաբերած անօրինակ հերոսության համար ՀԽՍՀ-ի 1921 թ. դեկտեմբերի 12-ի № 543 հրամանով Գ. Խախանյանը պարգևատրվում է հեղափոխական պատվավոր զենքով:

«Հեղափոխական պատվավոր զենքով, — ասվում էր այդ հրամանում, — պարգևատրվում է Օմսկյան 27-րդ հրաձգային դիվիզիայի 79-րդ բրիգադի հրամանատար ընկ. Գրիգոր Դավթի Տեր-Խախանյանը այն բանի համար, որ 1921 թվականի մարտի 17-ին Կրոնշտադտի ամրոցը գրոհելիս, անմիջականորեն ղեկավարելով բրիգադի գրոհող շարասյուները... հմուտ ղեկավարությամբ նպաստել է մեր գրոհների հաջողությանը: Անձամբ նրա ղեկավարությամբ բրիգադը... գրավեց հարավային երկու ամրություններ և հարավ-արևմուտքից առաջինը՝ ոտք դրեց Կոտլին կղզին ու Կրոնշտադտ քաղաքը, հակառակորդի համար ստեղծելով դեպի Ֆինլանդիա նահանջի ճանապարհները կտրելու վտանգ: Իր վրա հրավիրելով հակառակորդի բացառիկ ուշադրությունը և նրան հեռացնելով մյուս տեղամասերից, բրիգադը մնացած զորամասերին հնարավորություն տվեց հաջողությամբ կատարելու իրենց մարտական խնդիրները»:

Գ. Խախանյանի բրիգադը հաղթական երթով անցավ հազարավոր կիլոմետր տարածություն և փառքով պսակեց իրեն ռազմական ամենաբարդ գործողությունների ժամանակ՝ ինչպիսիք էին Զլատոուստի, Զելյարինսկի, Օմսկի, Բելոստոկի, Վոլկովիսկի և Կրոնշտադտի գրավումը: Արխիվային փաստաթղթերից մեկում Խախանյանի բրիգադի մասին ասված է, որ «բրիգադի դիտակից, խիզախ մարտիկները, հիրավի, արժանի են անշափ մեծ հարգանքի»³³:

Քաղաքացիական կռիվների ավարտումից հետո Գ. Խախանյանը նշանակվում է 27-րդ Օմսկյան կարմրադրոշ դիվիզիայի հրամանատար:

Այնուհետև, ռազմական բարձր կրթություն ստանալով, նա ստանձնում է մի շարք պատասխանատու պաշտոններ. 1927 թվականին նշանակվում է 19-րդ կորպուսի հրամանատար Հեռավոր արևելքում, իսկ երկու տարի անց՝ նոր ձեւավորվող Հեռավոր-արևելյան հատուկ կարմրադրոշ բանակի ռազմա-հեղափոխական խորհրդի անդամ: 1930 թվականին Գ. Խախանյանը հրավիրվում է Մ. Ֆրունզեի անվան ռազմական ակադեմիայում դասավանդելու: Այնուհետև նա նշանակվում է Ուկրաինայի ռազմական օկրուգի քաղվարչության պետ:

Ամենուր Գ. Խախանյանը հանդես է բերում ազնիվ ու հայրենասեր աշխատանք և պատվով է կատարում իր ինտերնացիոնալ պարտքը հայրենիքի ու ժողովրդի հանդեպ: Նա իր աշխատություններով, բաղամթիվ առաջարկներով և անձնական մասնակցությամբ մեծ ներդրում ունի սովետական ռազմական արվեստի զարգացման գործում:

1937 թ. Խախանյանը ուժերի ծաղկման շրջանում դո՛հ գնաց կամայականությամբ:

32 ՈՐԿՊԱ, ֆ. 1324, ց. 2, դ. 33, թ. 60.

33 ՈՐԿՊԱ, ֆ. 1325, ց. 1, գ. 185, թ. 17.